

Na osnovu člana 52. stav (1) tačka b), a u vezi sa članom 276. stav (1) Statuta Univerziteta u Tuzli, Senat Univerziteta na sjednici održanoj 12.01.2022.godine donio je

PRAVILNIK
o dopunama Pravilnika o osiguranju kvaliteta
Univerziteta u Tuzli

Član 1.

U Pravilniku o osiguranju kvaliteta Univerzitetu u Tuzli, broj: 03-2143-1-9/21 od 05.05.2021. godine, iza člana 21. dodaje se novo poglavlje VII i novi članovi 21a., 21b. i 21c. koji glase:

“VII ELEKTRONSKO PRAĆENJE INDIKATORA KVALITETA

Član 21a.

(Način i obim elektronskog praćenja indikatora kvaliteta)

Elektronsko praćenje indikatora kvaliteta provodi se kontinuirano primjenom aplikacije ePIK, u kojoj se prate sljedeći indikatori kvaliteta Priručnika za osiguranje kvaliteta:

- a) Stopa diplomiranja (odnos broja svršenih studenata i broja upisanih studenata);
- b) Stopa prelaza studenata sa prvog na drugi ciklus;
- c) Stopa ispisivanja studenata po studijskim programima;
- d) Stopa uspješnosti studenata (prolaznost studenata na nivou akademske godine po pojedinim studijskim programima i studijskim godinama);
- e) Popularnost studijskog programa unutar institucije i u odnosu na isti studijski program na drugim institucijama (odnos broja studenata na studijskom programu i broja studenata na instituciji);
- f) Odnos prosječne ocjene na studijskom programu i prosječne ocjene na nivou institucije;
- g) Plan i aktivnosti razvoja univerzitetskog kadra (odnos broja studenata i broja nastavnog osoblja, struktura akademskog osoblja (broj redovnih, vanrednih profesora, docenata, viših asistenata, asistenata);
- h) Publiciranje naučno-istraživačkog rada (broj radova, patenata, knjiga, monografija,...);
- i) Broj naučno-istraživačkih projekata, projekata saradnje sa privredom, komercijalizovanih NIR projekata, učešća na konferencijama;
- j) Vidljivost naučno-istraživačkog rada (citiranost nastavnog osoblja);
- k) Međunarodne aktivnosti (broj međunarodnih projekata, broj mobilnosti studenata i nastavnog osoblja, broj međunarodnih sporazuma);
- l) Uslovi za akademsko napredovanje studenata (broj mentorstva na prvom, drugom i trećem ciklusu studija).

Član 21b.

(Obaveze akademskog i administrativnog osoblja)

- (1) Akademsko osoblje redovno ažurira podatke za praćenje indikatora kvaliteta iz člana 21a. tačke d), f), h), i), j), k) i l).
- (2) Administrativno osoblje studentske službe redovno ažurira podatke za praćenje indikatora kvaliteta iz člana 21a. tačke a), b), c), e) i g).

Član 21c.

(Obaveze ureda, službi i centara)

(1)Ured za nastavu i studentska pitanja redovno prati i analizira ažurnost podataka za praćenje indikatora kvaliteta iz člana 21a tačke a), b), c), d), e), f), g) i l) te sačinjava polugodišnji izvještaj o ažurnosti podataka.

(2)Ured za naučno-istraživački rad ažurira podatke, redovno prati i analizira ažurnost podataka za praćenje indikatora kvaliteta iz člana 21a tačke h), i) i j) te sačinjava polugodišnji izvještaj o ažurnosti podataka.

(3)Ured za međuuniverzitetsku i međunarodnu saradnju ažurira podatke, redovno prati i analizira ažurnost podataka za praćenje indikatora kvaliteta iz člana 21a tačke k), te sačinjava polugodišnji izvještaj o ažurnosti podataka.

(4)Centar za osiguranje kvaliteta i internu evaluaciju sistematizira podatke i sačinjava godišnji izvještaj elektronskog praćenja indikatora kvaliteta“.

Dosadašnje poglavlje VII postaje poglavlje VIII.

Član 2.

Ovaj Pravilnik stupa na snagu danom donošenja.

UNIVERZITET U TUZLI
SENAT

Broj: 03-77-1-8.1/22

Tuzla, 12.01.2022. godine

PREDSJEDAVALJUĆI SENATA
po ovlaštenju

Dr. sci. Amir Karić, vanr. prof.